

## **Títelé foí ke Yohani uu n wói**

*Lelɛɛ rítelɛ ntí kɛmɛɛ ní wɛ*

Kirisi pikó pɛ nfasimé kapí ne icélaa kópe n cókai ke Yohani uu rítelɛ foí ntí wóipɔ. U icélaa kópe pikó pɛ tinyíri he re Kirisi pilaarɔ. Pi kesile re Kirisi úu kesoipipi, ápi akópe ncaai kpíilɛ te linyine, ápi lɛ ke akópe aa ye tó ne Uléécɛa kɛcɔpe n caai kpíilɛ te linyine. Ai pɛɛ wai re ái cónlɛ te Kirisi ukó uké isoi sɔne n le. Piyómeyáhaa féé pinyine pɛɛ icélaa iyɛ céesi.

Lɛ nnya ke Yohani uu n wói ye nní: U lalɛ icélaa iké kɛcírɛ n we uké kɔ aseí ripéresɛ. Lɛ nnya kuu pi léise re piké icélaa iyɛ kapí kékoraane-mɛ n kó tímúlú nɔne (2:24).

*Ifaaci iyɛ mɛkériine ye mmé:*

1. Úteléwɔle ye nyísele re u Yeesu useérakɔ́ le (1:1-4).
2. Yohani ye re písoi piké metéi kɛmɛɛ isoi n le. Likumúnjé re Uléécɛa ye metéi le. Lɛ kɛmɛɛ, li píse re Kirisi pikó piké nla isé n tikilɛ (1:5-2:17).
3. Kirisi pilaarɔ píima mɛkame nkó ke úteléwɔle uu nté símisi (2:18-29).
4. Uu kɔ Kirisi ukó mɛwee léise (3:1-24).
5. Iye kapí ye nnóɔmesimé ne nsímései ceri api kóólenɛ (4:1-6).
6. Nala ke usoi uu ye ne nyíse re u Kirisi ukó le (4:7-21).
7. Tó fe ari nfatɛne kpísi arí ne akópe feriyɛ (5:1-21).

*Nsímé mɛɛ ye nfáa n he*

<sup>1</sup> Λελεε πεε νήπά yo κε Uléécaá uu n wa kekoraa-ne-me ní we, ari linsímé kóm, ari kə ne irónípee li yenu ari li nyáni, ari kə ne arónípee li ca, lee nní rinóo tee ye nfáa n he. <sup>2</sup> Sáa kέmee kari péé wepə. Li nfáa mmē tó nyísele ari n yenu. Lē nnya kari nfáa teneciré mmē nsímé símisi, tən kə nó n yóólē. <sup>3</sup> Lē kari n yé ari kə kom kari kə nń yóólē te tó ne nnń təké ripéne tən ne kesé tó ne Sáa ne Ukepipi Yeesu Kirisi kupénecə kέméé we. <sup>4</sup> Təké ne mpóonare m má ne kέto-pə nnya kari tirócuruu lē wai.

### *Uléécaá ye metéi le*

<sup>5</sup> Nsímé ke Yeesu Kirisi uu ní ma ari n kóm tən kə n yóólē ye mmú re: Uléécaá ye metéi le, kuɲmaha kúka áku ukeméé we. <sup>6</sup> Tən m maá re tó ne Uléécaá ye pénelē, tən kə pee kuɲmaha pikéi wai, tə pinóome le, ári nsímései tikilē. <sup>7</sup> Amá in te metéi kέmee kari sónε, yare ke Uléécaá uu nní metéi kέmee ní we, li yé tíyεse tó ne piróca arí m pénelē, Ukepipi Yeesu menyε ame pee nήπά arókope áye ró heere.

<sup>8</sup> Tən ye m maá re ári akópe má, merócíre kari fómni, nsímései nń keróméé we. <sup>9</sup> Tən ye arókope n yámne, u yé ró a sárei, uu kə ntócaai nnéi ró heere. Likumúnjé re Uléécaá ye aseí ute le. U ye nήπά yo wale lin kecíre we. <sup>10</sup> Tən ye n kesi re ári akópe áka wailē, tə Uléécaá kpísile yare unóome, ai pee nyíse re unsímé nń keróméé we.

## 2

<sup>1</sup> Sinéwá! Ne rítelé ntí nó wólule re áni kapε akópe n wai. Amá in te unyine ye akópe wa, uké n nyu re tə Sáa Uléécaá kέmee-pə usíméyóó mále. Uyεε aseí ute Yeesu Kirisi. <sup>2</sup> Uyεε uricuruu kpísi uu arókope

κεκάα ηε γαρε inyóonsesee re Uléécaá uké arókópe ró sárei uú ne ketē nnéi písoi akó péne uu sárei.

### *Isé fale*

<sup>3</sup> Tòn Uléécaá isé rísane m múílē, li nyíse re tò u nyule. <sup>4</sup> Usoi nkó yee ye mí maa re: “Né u cerile” úu ye kò pree uisé rimúlú ye unóome le, nsímései rín ukeméé we. <sup>5</sup> Amá usoi nkó yee unsímé mí múílē ye nyísele re u u lala ne kefa kesee. Lelée ye nyíse re tó ne Uléécaá ye pénelenle. <sup>6</sup> Li píse re usoi nkó yee ye mí maa re tó ne Uléécaá ye pénelenle, unsē nké kò n nyamí γaρε ke Yeesu nsē nné pree ní nyamí macó.

<sup>7</sup> Pinésáne lala kecire, ái isé fale kam nó wólú, amá isé kpure ye nyi kani kékoraane-me ní γasí. Isé kpure iyee nní rinóo kani pikóme mí masí. <sup>8</sup> Mπά ne lē, li kò pree isé fale le yee Kiriisi kέmee ne nókenέmee n nyíselē te aseí ye nyē. Lelée re kuηmaha ye tómpole, metéi sei pó ne kò pilomme masile.

<sup>9</sup> Nkó yee m músu re metéi kέmeeé kuú we, un kò pree uucó ipuri yulu ye kò kuηmaha kέmeeé wele. <sup>10</sup> Nkó yee uucó ní la ye metéi kέmeeé wele, líka ái ye u lóise. <sup>11</sup> Amá nkó yee uucó ipuri n yúlu ye kuηmaha kέmeeé wele. Kuηmaha kέmeeé kuu sónne aku u nyiinse úu pree nyu méye kuu sí.

<sup>12</sup> Nό sinéwá! Ne rítelē ntí nó wólule ké nó léise re Uléécaá ye Yeesu Kiriisi rinyiri nnya nóanékópe nó sáreile. <sup>13</sup> Nό pinésáa! Ne nó léisele re nó uyee hái kékoraane-me ní we nyule. Nό pikpére ne piηmánne, ne nó léisele re nó ukpááree Setani feriyele. <sup>14</sup> Nό sinépipi! Ne nó léisele re nó Sáa nyule. Nό pinésáa, ne nó léisele re nó uyee hái kékoraane-me ní we nyule. Nό pikpére ne piηmánne, ne nó léisele re nó páápúle.

Uléécaá Nsímé ye nókenéméé wewe, ani kò ukpááree Setani feriyé.

<sup>15</sup> Ani kapé ketē nké née kelikó n la. Uye un ke n la, úu yé kò fe uké pée Sáa n la. <sup>16</sup> Ketē kecáá likó ye nní: pikáipinké ke usoi uu m má ne lē ke uinipé ii n nyáni kuu ní la uké m má, née lē kuu m má un ne rikókòri wai. Lē nnéi ye ketē nté likó lē, ái Sáa kéméé kai léeri. <sup>17</sup> Ketē ye tósule, liméco ke kelikó ke písoi api n káipinkéé pòo kò tósu. Amá nkó yee Uléécaá mela n wai ye nípa píyeyi nfáa mále.

### *Kirisi ulaarò*

<sup>18</sup> Nó sinépipi! Itunje tərərò ye tulle. Nò kò te Kirisi ulaarò ye wemele. Kirisi pilaarò ye nkpéni kulúí leemele, non kò nyu re itunje tərərò ye tulle. <sup>19</sup> Kerócòpe ke lipite pē api léeme, amá ápi pée pirókó. Pin pée pirókó, pí yé pée keróméé tone. Amá kapi nní ní tómpò nnya, lí nyísele re pinnéi mmē kéméé úka úu pée urókó.

<sup>20</sup> Amá Uléécaá ye nó Nfáasòne hele yaré kapi ye usoi riyu kecáá mékpo n kòonu \*, ani pée nónnénéí nsímései n nyu. <sup>21</sup> Lē nnya, ái re nsímései káni nyu nnya kam nó wólu, amá ne meyíkíyiki nó wólu re nò nsímései nyu nnya. Nò kò nyule re nnóome níka ín ye nsímései kéméé léeme.

<sup>22</sup> Wóo unóome, kái pée uyee n késu re ái Yeesu ke Uléécaá uu wée? Kirisi ulaarò lo. Sáa ne Ukepípi keté kuu yúlu. <sup>23</sup> Asei kecáá, nkó yee Uléécaá Kepípi ní yé úu kò Sáa Uléécaá nyu. Nkó yee Uléécaá Kepípi n ñmurei ye kò Sáa Uléécaá ñmureile.

<sup>24</sup> Lē nnya, ani tíye nsímé mmē kani hái kékoraane-me n kò nké nókenéméé n we. In te nsímé

\* **2:20** Luki 7:46

mmē kani hái kékoraane-me n kō ye nókenéméé we, nó ne Ulééca Kεpipi ne Sáa Ulééca yé ripéne aní n we pise. <sup>25</sup> Lē ke Kirisi uu n yekei re u yé ró he lee nní nfáa teneiré. <sup>26</sup> Pεpeε n náasi piké nó fóm kecáá nsímé kam nó wólu. <sup>27</sup> Nfáasone mmē ke Ulééca uu nō n he ye nókenéméε wele. Lē nnya, ai nkpráni pise re piké kō nō picélaa rikpá. N yé npá yo nó céesi yare kai m pise, nnóme nn kemée we. Lē nnya, ani lē ke Nfáasone nn nó n céesi wa, lelee re ani Kirisi kupéneco kéméé n we. <sup>28</sup> Nó sinépipi! Ani Kirisi kupéneco kéméé n we. Un píyei n ka ari péé ne tirópó n we, isei ii yé ró wa. <sup>29</sup> Nōn n nyu re Kirisi ye aseí ute le, ani kō n nyu re nkó yeε nsímései n tíkilē ye Ulééca kεpipi le.

### 3

#### *Ulééca sipipi kecáá nstmé*

<sup>1</sup> Ani yē lē ke Sáa Ulééca uu meykíyiki ró ní la api ye ne ró séi re Ulééca sipipi! Tō kō mesei lē le. Ketē nté pikó api Ulééca céri. Lē nnya kápi kō tō nyu. <sup>2</sup> Pinésáne lala keciré! Tō nkpréni Ulééca sipipi le. Ai kahane isoi iyē karí masí kepire ní wene n nyíse. Amá nse kari pεε nyu re Yeesu Kirisi un píyei m pεεme, tó ha ne menyíne u n we ari pεε u yenu yare kuu meykíyiki ní we. <sup>3</sup> Nkó yeε lē ne kefa keεe n tálē yèè umecire n cápinele uú wole cáká-cáká yare ke uyē Upiima uu ní we cáká-cáká meco.

<sup>4</sup> Nkó yeε akópe n wai úu Ulééca isé tíkilē. Lē nnya, akópe piwai ye isé piló le. <sup>5</sup> Nō kō pεε nyu re Yeesu Kirisi ye ka re uké písoi akópe-i lese, uricuruu úu akópe áka má. <sup>6</sup> Lē nnya, nkó ne Yeesu Kirisi pεε

m pénéłē úu ye akópe n wai. Nkó yee akópe n wai úu u yenaalē, úu kò u nyu.

<sup>7</sup> Nó sinépipi, áni kape tíye unyine uké nó fóm. Nkó yee n wai yare kai m pise ye aseí tikilenle yare ke Yeesu Kirisi pòò kò aseí n tíkilē meco. <sup>8</sup> Nkó yee akópe piwai ne kényu m mahani ye kuníri ukó le. Kuníri kpee háí kékoraane-me akópe wairi. Lē nnya ke Ulééca Kεpipi ake ketē kecáá ka re keké kuníri liwai-wai ritékéé.

<sup>9</sup> Nkó yee m panse Ulééca kεpipi yèè akópe piwai riyále re Ulééca Nfaa ye ukemeé we nnya. Kuu Ulééca kεpipi nnya, úu yé fe uké akópe piwai n nòhlē. <sup>10</sup> Nkó yee úu aseí n tíkilē née úu umáreco ní la úu Ulééca ukó. Kei kapi ye ne Ulééca kεpipi ne kuníri kεpipi ceri api kóolenē.

*Ulééca sipipi mecopecire pilakaane nstím*

<sup>11</sup> Tinóò tē kani háí kékoraane-me n kò ye ntí re: Tóké merócopecire n lakaane. <sup>12</sup> Ari kape Kayee meco n we. U pree ukpáaree Setani ukó le, uu uumareco pá. Yo nnya kuu u ripá? Kayee ricuruu liwai-wai ái pée nyamí, amá uumareco líkó pòon n nyamí.

<sup>13</sup> Pimáreco, ái kape píri nó wa re ketē nté písoi ye nóinépurí yulu nnya. <sup>14</sup> Tò nyule re tò pree kpuwaalenle, ari nkpeni nfáa yenu. Kari pirómáreco ní la nnya kari lē nyu. Nkó yee úu umáreco ní la ye kpuwaalenle. <sup>15</sup> Usoi nkó yee umáreco ipuri n yúlu ye usoikó le. Nò kò pree nyu re usoikó úka úu uísoi kémee ketóne má uké ne nfáa teneciré yé. <sup>16</sup> Yeesu Kirisi ye unfaa kpísile uu tó nnya he arí ne ceru re lē kapi ye sée re níla. Li pise re tóké kò ntófáa kpísi ari pirómáreco nnya he. <sup>17</sup> Usoi nkó yee m má, un nkpeni umáreco n yē úu líka má,

uú ne ukéfa u pésu, íye kuu yé peé maa re uyē ye Uléécaá lalé? <sup>18</sup> Nṓ sinéwá, ári kape ye nnṓsimé ḡmane ne níla nyíse. Amá tóké ye meyíkíyiki mewai wa ne aseí liké nyíse re tó níla mále.

*Tóké ne nktḡnḡne Uléécaá keyu-i n we*

<sup>19</sup> Kei kari yé ne n céri re tó nsímései pite le ye lē. Lelēe yé kṓ t́yese arí ne tirópṓo Uléécaá keyu-i n we. <sup>20</sup> Asei kecáá, mḡpá lin ne sirófa kémēe rṓ n túhaane re tó akópe wale, Uléécaá ye sirófa fele un kṓ mḡpá yo nyu. <sup>21</sup> Pinésáne, in te líka ái ne sirófa kémēe rṓ túhaane re tó akópe wa, tirópṓo karí ne Uléécaá keyu-i we. <sup>22</sup> Kari uisé mḡ múlīlē tṓn kṓ leleē ne u n sá wai nnya, tṓ ye tṓn yo mpuri u m pise, tṓ ye ukemēe li yenle. <sup>23</sup> Uisé iyēe nnyí re tóké ne Ukepipi Yeesu Kirisi kefa tene arí kṓ n lakaane yare kuu isé rṓ mḡ pa. <sup>24</sup> Nkó yee uisé iyē n t́kilē ne Uléécaá ye pénélenle un ne we, Uléécaá pṓṓn kṓ ukeméé we. Unfaasṓne kuu rṓ ní he mēe rṓ nyíselē te tṓ pénélenle tṓn ne we.

## 4

*Iye kapi ye ne Uléécaá Nfaasṓne ceri?*

<sup>1</sup> Pinésáne lala kecire, áni kape ye mese ne mese pē nnéi pēe ye m pólólē te Uléécaá Nfaasṓne ye pikeméé wele nkó ḡmurei. Amá ani ye pi peē kelenē ani yenu re li nsímései nēe ái nsímései. Asei kecáá, antepuyē nṓṓme ye ketē kecáá kulúí leemele. <sup>2</sup> Lē kani yéé ne n céri re Uléécaá Nfaasṓne ye unyine kéméé we ye nní: Uye un tinhaa re Yeesu Kirisi ye pansēle kesoi pipi uú ne ketē nté weri, li nyíse re Nfáasṓne ye ukeméé wele. <sup>3</sup> Nkó yee úu ye lē tinhaa ye nyísele re Nfáasṓne ḡn ukeméé we, amá Kirisi ulaarṓ yee u te. Nṓ kṓ te u weme. Ticuruu u ketē kecáá pikáme masile.

<sup>4</sup> Amá nǎ́ sinéwǎ́, nǎ́ ne Uléécáa pikó le, nǎ́ kǎ antepuyee nǎ́ome feriyee. Nfáasǎne mee nókenémee ní we ye Kirisi ulaarǎ fele. <sup>5</sup> Pinóǎome pee ketē nté pikó le. Lǎ́ nnya kapi ketē nté pikó mecǎ símisi, pē pin kǎ kutu pi cǎlē. <sup>6</sup> Amá tǎ́ ne Uléécáa pikó le. Nkó yee Uléécáa n nyu yee ye kutu tǎ́ ricǎ. Amá nkó yee úu Uléécáa ukó, úu ye kutu tǎ́ ricǎ. Lǎ́ kari ye ne ceri kei ke nsímései Nfaasǎne nn ní we ne kei ke nnǎ́ome nn ní we.

### *Uléécáa ye níla le*

<sup>7</sup> Pinésǎne lala kecire, Uléécáa kémee ke níla nn léeri. Lǎ́ nnya, li pise re tǎ́ké n lakaane. Usói nkó yee uucǎ ní la ye Uléécáa ukó le un kǎ Uléécáa nyu. <sup>8</sup> Uléécáa ye níla le. Nkó yee úu uucǎ ní la úu Uléécáa céri. <sup>9</sup> Uléécáa ye Ukepipi cireníne ketē kecǎá tummele re keké nfáa fale ró he. Lǎ́ kuú ne nyíse re u ró lalē. <sup>10</sup> Nla mmǎ́ ne ne mmpehē le. Ai tǎ́o Uléécáa la, amá uyee tǎ́ la uu pee Ukepipi tumti ake kemecire kpísi ake arǎkǎope kecǎá he yare inyǎ́onsese aké ne arǎkǎope ró sǎrei.

<sup>11</sup> Pinésǎne lala kecire, in te lǎ́ ke Uléécáa uu ró la, li pise re tǎ́kǎ kǎ n lakaane. <sup>12</sup> Uka úu Uléécáa yénaalē. Amá tǎ́n n lakaane, tǎ́ ne Uléécáa ye pénelenle un kerǎméé we, unla nn kǎ kerǎmee yipaalē.

<sup>13</sup> Uléécáa ye Unfaasǎne ró hele. Lelēe ye nyíse re tǎ́ ukeméé wele uyē un kǎ tǎ́ kéméé we. <sup>14</sup> Tǎ́ ne yenle ari kǎ n símisi re Sǎa ye Kepipi ketē kecǎá tummele re keké písoi ayu lb. <sup>15</sup> Uye un n ceri un tinhaa re Yeesu ye Uléécáa Kepipi le, li nyísele re liute uyē ne Uléécáa ye pénelenle un ne Uléécáa kéméé we Uléécáa pǎ́on kǎ ukeméé we. <sup>16</sup> Tǎ́ ne yenle ari céru re Uléécáa ye ró lalē arí ne kefa tenē.



Uléécaá γε ήλα λε. Nkó γε ήλα m má νε Uléécaá γε πένελενλε pin νε we, Uléécaá un ukeméé we, uyē un kō Uléécaá kéméé we. <sup>17</sup> Tōn ήλα m má νε nketō-pō, tō fe arí ha keyáa kē ke Uléécaá uú νε ró ή túhaanene νε tirópōō n we, ke irósoi kari ketē nté ή le ii Kirisi ikó mecō ή we nnya. <sup>18</sup> Nkó γε ήλα m má úu γε iwame n wai. Nla μεε ή we νε nketō-pō yèè iwame lakasale. Iwame yèè nyísele re usoi kewuu γε túúni re pi yé kutu u ripasa. Lē nnya, nkó ke iwame ii ή we nla ήn nyaní νε nketō-pō.

<sup>19</sup> Amá in tōō, tō Uléécaá lalē re uyee mefoí ró la nnya. <sup>20</sup> Uye un m maá re: “Ne Uléécaá lalē”, un kō pree uusoicō ipuri yulu, liute γε unóōme le. Nkó γε úu usoiçō kuú n nyáni ή la úu yé fe uké Uléécaá kúu n nyáni n la. <sup>21</sup> Kirisi γε kō pree isé ró hele re nkó γε Uléécaá ή la uké kō uusoicō n la.

## 5

### *Nfatene mee ήnanje kapi γε νε n feriyē*

<sup>1</sup> Nkó γε νε kefa n tene re Yeesu ke Uléécaá uu wée γε Uléécaá kepipi le. Nkó γε usáa ή la yèè kō usáa siwā n lalē. <sup>2</sup> Tōn Uléécaá n la, tōn kō uisé n tikilē kai yé nyíse re tō Uléécaá siwā lalē. <sup>3</sup> Uléécaá isé pimulé kémee kai γε nyíse re usoi γε Uléécaá lalē. Uisé ή kō pree páápú. <sup>4</sup> Mpá Uléécaá kepipi kέye γε ketē kecáá likó ήnanje feriyele. Ntófatenē nnya kake γε feriyē. <sup>5</sup> Wóo γε fe uu ketē kecáá likó feriyē, insá uyee νε kefa n tene re Yeesu γε Uléécaá Kepipi?

### *Yeesu kecáá aseéra pilese nsímé*

<sup>6</sup> Yeesu Kirisi γε ketē kecáá ka νε míni νε ménye. Ai míni ήmanē kuú νε ka, amá míni νε ménye kuú νε ka. Nfáasōne μεε lē símisi. Nfáasōne μεε

nsímései ute. <sup>7</sup> Lẽ nnya, píseérakóó yé pitaani le: <sup>8</sup> Pɛpɛɛ nní Nfáasonɛ nɛ míni nɛ ményɛ. Piketaani yé kɔ ñmureilɛ rɛ nsímései yé mu. <sup>9</sup> Písoi yèè aseéra lesɛɛ ari ñmurei. Uléécáa rinɔɔ kuu rinháa yé kɔ pɛɛ lɛ fele. Uyɛɛ Ukepípi kecáá aseéra lesɛ. <sup>10</sup> Nkó yɛɛ Uléécáa Kɛpípi nɛ kefa n tenelɛ yé aseéra nyɛ ukɛfa-i yekeilenle. Nkó yɛɛ úu nɛ kefa n tenɛ yé waise rɛ Uléécáa yé unóomɛ lɛ, kúu rinɔɔ tɛ kɛ Uléécáa uu Ukepípi kecáá rinháa nɛ kefa n tenɛ nnya. <sup>11</sup> Uléécáa yé nfáa tenɛciré ró hele. Ukepípi kɛmɛɛ kɛ nfáa mmɛ nní wɛ. <sup>12</sup> Nkó yɛɛ Uléécáa Kɛpípi kɛ n nyu yé nfáa tenɛciré mále. Nkó yɛɛ úu Kɛpípi kɛ m má úu kɔ nfáa tenɛciré má.

### *Nfáa tenɛciré kecáá nsímé*

<sup>13</sup> Nó mpí nɔɔ nní Uléécáa Kɛpípi nɛ kefa n tenelɛ, nɔ́ kam títelɛ tɛ wɔipɔ rɛ ani ceri rɛ nó nfáa tenɛciré mále. <sup>14</sup> Tɔn nɛ Uléécáa n tálɛ, tɔn yo umɛla kɛmɛɛ u m píse, u yé nɛ ró kónle. <sup>15</sup> Tɔn n nyu rɛ nípá yo kari u píse u yé nɛ ró kónle, tɔ kɔ nyulɛ rɛ tɔ lɛ kari u m píse piyéne masile.

<sup>16</sup> Usói un umárecɔ n yɛ un akópe nyɛɛ áa yé nɛ nkɔɔ ní ka n wai, uké ukɛcáá Uléécáa yáási uké nfáa u hɛ. Pɛpɛɛ yé akópe nyɛɛ áa yé nɛ nkɔɔ ní ka n wa ñmanɛ kecáá kam tɛ piké yé Uléécáa yáási. Akópe anyinɛ yèè nɛ nkɔɔ kalɛ. Ái pɛpɛɛ yé akópe nyɛɛ yé nɛ nkɔɔ ní ka n wa kecáá kam tɛ aní yé yáási.

<sup>17</sup> Mpá mɛwai kópe méye yé akópe lɛ. Amá ái akópe nnéi nyɛɛ yé nɛ nkɔɔ ka.

<sup>18</sup> Tɔ nyulɛ rɛ usói nkó yɛɛ Uléécáa kɛwá úu yé akópe n wai. Uléécáa Kɛpípi yèè kericurúu kecáá m paílenle, ukpááree Setani úu yé kɛ rica. <sup>19</sup> Tɔ

nyulε ρε τó νε Uléécαα pikó λε, κετῆ nnéi pikó póon ukpááree Setani nnaηε-i pansente.

<sup>20</sup> Το κᾶ nyulε ρε Uléécαα Kεpipi γε καλε ακε μεσῶηᾶ ró ηε τᾶκέ γε νε Uléécαα yíkíyiki céri. Uκεpipi Yeesu Kirisi κεε τó νε Uléécαα yíkíyiki uyῆ tipéne tᾶn νε we. Yeesu Kirisi uyεε Uléécαα yíkíyiki. Uyεε nfáα tenεciré. <sup>21</sup> Nᾶ sinéwá, ani nóμεnécirε νε piléé tᾶ.

## **Nkomine Fal Ritɛlé Sola New Testament**

copyright © 2010 UEEB/SIM au Benin

Language: Sola (Miyobe)

Translation by: SIM International

### **Sola, Nkomine Fal Ritɛlé**

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1